







東姓考畧上

土姓

人生於土姓因於生欲詳審其氏姓之源當先考其土地  
 之域是以炎帝之姓源於姜水軒轅之姓源於姬水降及  
 後世周之文昭武穆楚七族齊四族皆因其所封之地也  
 我東僻處海隅風氣樛質踰越契之初無可考證然蓋  
 扶餘為東方有姓之始也上古有曰桓因桓雄者為朝鮮  
 之祖有曰桓武者為日本之祖是時東方未有人民而三  
 桓者即天神之化降如中國之九皇五龍也三神人俱謂  
 之桓者以其姓歟未可考按古記天神桓因命其子雄持

124632

天符三印率徒三千降於太白山頂今妙香山神檀樹下主人  
 間三百六十事據此則桓疑其姓因與雄其名然桓姓今  
 未聞焉又按桓因號神市始教生民之治神市生檀君初  
 都平壤號王儉城故或云檀君姓王氏後徙白岳今文化九月山  
 是謂唐藏京今文化莊坪有檀君遺址云今關內關西  
 兩西之間故多王姓者疑即檀君之後也檀君娶非西岬  
 河伯女生扶婁扶婁為北扶餘王徙迦葉原今寧邊先是有  
 人稱自天帝子解慕瀨來都焉故因冒姓解遂為解扶婁  
 氏扶婁傳金蟾氏帶素氏昌思氏都頭氏王莽時滅於高  
 句麗今東國無解姓者而惟皇明時有解縉者始顯清乾

隆中有鮮光者以文章著自謂東人蓋扶婁後也北扶餘  
之地自玄菟北千餘里南接獺貊之境今遼東諸夷皆其  
地也曷思別種處於曷思水上在鴨綠江外未詳所在又為北扶餘  
晉武帝時通于中國其王依慮為慕容廆死王依羅嗣  
立復國其後又滅於慕容氏慕容氏之先有曰莫護跋者  
本鮮卑部人也本以扶餘之種魏武帝時入居遼西寇步  
搖故改姓為慕容氏慕容者步搖之轉音也晉末寢盛稱  
燕帝鮮卑之胡亦皆扶餘種也鮮卑山在扶餘南境按東  
胡史葛烏之裔一云曷思世保鮮卑山至莫那遷于遼西分為  
三姓一曰宇文氏至宇文泰為周帝二曰庫莫奚氏至拓

跋珪為魏帝拓跋氏又改為元氏三曰契丹氏至耶律億  
趙宋時為遼帝其餘若忽刺温兀狹哈婆豬雜種皆扶餘  
遺民也今黑龍江上有黑水靺鞨者自言馬韓之後蓋亦  
扶餘之種也

東扶餘即高句麗也一名卒本扶餘其始祖高朱蒙者本  
北扶餘鮮金蛙之庶子也為扶餘太子帶素所忌七至沸  
沅水上立國於卒本今成川改姓為高氏後徙居平壤滅  
北扶餘并有玄菟六百里之地享國長久子姓甚蕃然今  
高氏之為句麗後者皆為編戶未有顯者惟高歡高洋以  
玄菟徼外之族元魏之末入中國為齊帝今中國燕代之

高卽其後也粟棘鞬者本居凍沫江上句麗別種也有曰  
野勃以太爲姓野勃三世孫乞乞仲象仲象子祚榮拓地  
五千里國號震又號渤海歷武藝欽茂至諲譔爲契丹所  
滅子光顯來奔高麗今我東太氏卽其後也諲譔之後居  
臨潢之西爲烏魯古氏渤海之七太祚榮之帝仁秀北徙  
并北海諸部爲大國今建州毛隣諸虜大抵皆渤海之種  
也  
南扶餘卽百濟也其始祖溫祚者本東扶餘王朱蒙之庶  
子也與東扶餘太子顙利不相能逃之河南立國慰禮城  
以扶餘爲姓至義慈王爲唐所滅唐將蘇定方虜王義慈

太子扶餘孝及諸王子王室八十餘人而還唐以王子扶  
餘隆為熊津都督諸扶餘氏皆附焉未幾為新羅屠滅故  
扶餘之族今無遺賴其族散為高氏溫氏金氏高氏者復  
本姓也溫氏者冒祖號也金氏者下從王字表王種也高  
麗初有金幹者入中國天子嘉其能文賜姓文氏此為文  
氏之祖也其餘兩湖之間編戶諸姓多有其種然文獻無  
徵今不考

鶴陽氏曰檀君者東方神明之祖如中國之黃帝也其  
宗國為北扶餘享國數千年麗濟為支國亦各享國六  
七百年其在清河徼外者尤為羨昌稱帝稱王東胡諸



酋部落及中國慕容氏宇文氏元氏耶律氏高氏皆大姓也苟非神明之後惡能如是耶然吾嘗惟天在本國者今皆卑弱在外國者猶能貴顯何也稻必移而後豐木必移而後茂斯其理也信夫

按東史高句麗廣開土王十七年使使北燕叙宗族北燕王高雲者高和之孫也為慕容寶之子嗣位為王則高氏與慕容氏本是同姓而高麗又與叙族以其同出於扶餘之證也北齊高歡者亦高和之後也又按高句麗長壽王時元魏世祖錄送帝系曰遼溯靈根據此則高麗鮮卑同為扶餘之後者明矣

沃沮部落有三國北沃沮即今野人之地古肅慎國也東  
沃沮即今摩天嶺以北長白山之東也南沃沮古獺貊之  
北即今咸永興等地北東南三部一種亦如三扶餘然其  
君姓氏文獻并闕遂無傳焉是可慨也按東史辰韓赫居  
世之時東沃沮獻馬東扶餘朱蒙之初滅北沃沮以淺見  
撥之沃沮立國已在羅麗之前而與解氏箕子氏似當上  
下矣沃沮既在肅慎地而肅慎氏周成王時入貢考以年  
代或是并立或是一國兩名今不可考然要之北沃沮者  
即肅慎之種而東南沃沮俱為其別種者也肅慎本夏禹  
之裔三沃沮者亦豈非神明之後耶今野人室韋諸酋疑

多沃沮遺種而我國咸闕迤北編戶之民大率其餘民也  
是以前其風氣強梗人性悍戾有胡俗焉  
穢即今江陵府貊即今春川府漢孝武時穢君南閩降漢  
今之南氏南閩之後也貊自周時已有之然興七俱不傳  
亦不知姓氏東畧之民蓋有遺種焉東史有貊為句麗所  
滅此別一貊而為同名異地者也  
北扶餘解夫妻時國相曰阿蘭弗阿蘭其姓也今之聞焉  
禮氏者朱蒙在扶餘時娶禮氏女生類利則禮氏者扶餘  
貴姓也  
南沃沮仇類解率其部二十餘家來奔百濟蓋仇氏者南

沃沮之姓也

沸流國今江東縣其王松讓降于勾麗勾麗王子類利納松讓之女松氏為后我國今無松氏惟女真中松為大姓乾隆中松以均為伊犁城將軍道光初為相其餘在朝者甚多疑即沸流之後入居胡地也

樂浪國今未詳所在然以古史考之疑今平咸兩道之界廢郡之境也東史云樂浪王崔理降于高句麗以崔與辰韓大部之崔別有為種今西北之崔疑多樂浪之後也今三水廢閭延之境有崔天已洞者似是樂浪之所居也馬韓之前有臣智氏邑借氏其小者如火石索氏小石索

氏爰襄氏之屬凡五十餘部今併無遺種見於載籍惟焉  
韓將周勒云者見於東史湖嶺之間編戶多有石姓者或  
石索之遺種歟箕準之後有韓氏竒氏見下華姓  
弁韓之族本樂浪之裔也有險側氏樊濊氏殺奚氏其小  
者有弁辰氏狗邪氏冉奚氏不斯氏弁樂奴氏之屬凡二  
十四部今其姓皆無聞焉惟卞氏疑卽弁辰之後也  
高句麗諸姓之見於東史者烏伊氏摩離氏陝父氏本以  
北扶餘之種焉開國三佐再思為克氏武骨為仲室氏默  
居為小室氏此開國三賢也扶氏之族有扶芬奴扶尉戢  
者餘氏之族有餘奴者并扶餘族也今之夫氏余氏疑卽

其後也屋智氏句鄒氏都祖氏亦扶餘之人也琉璃王娶  
鶻川禾氏女禾亦貴姓也位沙勿為位氏之祖箕山野人  
而腋有羽為羽氏之祖沸流冰涯有負神鼎者為負鼎氏  
之祖北扶餘曷思王之從弟來奔為絡氏之祖恠由者恠  
氏也麻盧者麻氏也二姓併胡種也乙氏之祖曰乙豆智  
其後有乙素乙巴素皆賢人也乙支文德者複姓乙支氏  
也松屋句者古沸流國王松讓之後也鄒穀素者本以鄒  
氏為太室氏仇逸焚三氏者仇都逸苟焚求三人之族也  
菴氏之祖曰菴支留後有菴昇留為顯官明臨氏之祖曰  
明臨谷夫其後有明臨於瀨為國相明臨笏覩尚公主陰

氏之祖曰陰友爲國相其子高婁緇爲國相中川王立椽  
氏爲后美川王立周氏爲后倉氏之祖曰倉助利者賢相  
也大率族氏以下大族皆當時貴族也陽神氏陽氏密友  
之密氏細由之細氏所夫孫之所氏惱音信之惱氏者併  
微族也泉氏之族有蓋蘇文者賊臣專權而其子泉男生  
泉男產奔唐大顯爲中國泉氏之祖安氏之祖曰安古其  
後有安舜者奔新羅劔氏之祖曰劔牟岑其後有劔君者  
爲新羅名人  
百濟本馬韓之地而其王則北扶餘高句麗之別種也是  
以其姓率多馬韓遺族及北扶餘高句麗諸氏也有曰解

婁者為解氏之祖自北扶餘來者也後有解忠解湏解立  
解明解讎等世為大官有曰真會者真氏之祖後有真果  
真忠真勿真可真義真淨真高道真嘉謨真武真男真老  
等世為將相與百濟終始有曰沙豆者沙氏之祖後有沙  
烏沙乞皆顯人有曰燕突者燕氏之祖後有燕謨燕會燕  
文進併為右輔左平高氏之祖曰高壽後有高興王氏之  
祖曰王辨那後有王孝隣已上六族大姓也開國十臣惟  
烏于馬黎傳於史此烏氏馬氏之祖也馬韓將周勤周氏  
之祖也餘若屹于之屹氏千福之千氏昆優之昆氏豆智  
之豆氏惟己之惟氏因友之因氏苟奇之苟氏義直之義



氏亦併顯族也殷相為殷氏之祖成忠為成氏之祖今其  
姓猶傳而成氏則尤繁衍焉優氏之祖曰優豆後有優永  
名人也餘信之餘氏疑亦北扶餘之種也若加之昔氏詭  
姓也莫古解氏之莫氏國智牟之國氏常永之常氏階伯  
之階氏遲受信之遲氏今無傳者複姓如木嘉滿致之木  
嘉氏祖彌桀取之祖彌氏再曾桀婁之再曾氏古尔萬年  
之古尔氏性僻夷姓也沙吒相如之沙吒氏疑即沙吒胡  
種也  
新羅之姓三宗六部為大世執國政將相貴顯者無出於  
此外故三宗六部史不書姓餘若土姓之可考者不甚多

也馬韓將孟召來奔為孟氏之族吉門吉奩為吉氏之祖  
康萱康世為康氏之祖骨成國王阿音夫來降為阿氏後  
為河氏所連昕長為昕氏之祖後改為權氏夫道之夫氏  
波路之波氏毛禮之毛氏朱珎之朱氏階古之階氏法智  
之法氏萬德之萬氏并土姓之未顯者也夫伽椰國于勒  
來投為于氏之族高于之高氏都刀之都氏諸文之諸氏  
龍樹之龍氏族有龍長龍石竹竹者郝氏也彊首者任氏  
也君解者溫氏也黃昌者黃氏之族也後有黃知亦聞人  
也陳春者陳氏之族也後有陳純黔日黔弼者黔氏之族  
也宣服者宣氏之祖也豆迭者豆氏之祖也武郟者武氏

之祖也冬陔川者冬氏之祖也儒史儒冬者為儒氏汁恒  
世者汁氏之祖也江深者江氏之祖也仇杞仇近仇氏族  
也魏文者魏氏之祖也理曉者理氏也後為李氏駱金者  
駱氏之祖也巨仁者巨氏也素那者沈氏之祖也洪儒者  
洪氏之祖也尹邠者尹氏之祖也貴山者武氏也白卓白  
永徵者白氏之祖也卜知謙之卜氏廉相之廉氏尚達之  
尚氏王權之王氏林權之林氏安長之安氏其子安克相  
安克宗以琴名於世其餘寶氏狄氏穢氏者皆詭姓也  
鶴陽氏曰三韓羅麗上古之姓今百不能一存蓋多  
有滅亡者抑或有變改者然某姓之為某姓及某為某

之後者都屬祀宋姑侯世之閔博好古者云

華姓

高聖帝王之裔往往興於四夷大皞之胤為巴中七族大  
禹之後為凶奴八部黑齒祖舜五人民炎歌譜于項苗甬  
于造凡載于中國傳記著於外邦禱乘者實多可證況我  
東在禹貢為青之裔境密通華字只隔裨海陸連遼蕪限  
以鴨綠一衣帶水商舶之所往來也冠蓋之所交通也西  
北為箕子衛滿之國東南為秦七人之域歷數千載生齒  
蕃庶氏姓嬋媿變寫輝映能興朝鮮終始者吾必曰中國  
聖人神明之後也

箕子本與殷同姓成湯之後黃帝之裔也東封四十一世  
至王準失國涉海至馬韓而稱王其子孫分散為奇氏韓  
氏鮮于氏又有箕氏有箕文箕萱見于東史鮮于氏在東  
國者惟平壤一派非顯族也還中國者漢武帝時鮮于安  
人始顯晉<sup>時</sup>有東夷校尉鮮于嬰唐初蜀有鮮于仲通鮮  
于侁者聞人也元時漁陽有鮮于樞者以文章顯皆箕子  
之後也即燕蜀大姓也奇氏間有顯人而未可謂大族也  
惟韓氏今為吾東大姓箕姓今未聞焉箕子東來時殷民  
從者五千餘人其姓今亡傳焉然大率關西諸姓多其遺  
種也

漢孝惠時燕人衛滿之黨千餘人來據朝鮮是時燕齊趙  
流民多居西界亦嘗有種而今皆無考并闕焉  
辰韓一名秦韓是為我東別域西北環大山東南負大洋  
初興檀箕穢貊諸國不相通故秦秦無居民至秦時天下  
大亂中國七人浮海東來始居焉以為辰韓生民之始也  
故謂之秦韓其俗男女有別行者讓路嫁娶有禮俗皆有  
華風焉其姓則三宗大部為大族焉  
三宗者朴昔金三姓也蓋朴之為姓中國史傳之所未有  
者而惟巴中王朴胡始顯於漢孝武時新羅王朴赫居世  
立國於漢孝宣時以為朴姓之始東西今王適又并世何

其異歟巴朴之源按文獻續考以爲太皞生咸鳥咸鳥生  
乘釐乘釐生帝後照支子顧相降處于巴爲巴中七族鄂  
督朴伏等姓是也東朴之源按東史以爲蘇伐公淫見蘿  
井傍有白鳥大卵如瓢化出嬰兒是爲赫居世辰人謂瓢  
爲朴故曰朴氏者是也然馬卵瓢朴之說恍惚不經按仙  
桃山聖母祠記曰聖母本中國帝室之女名婆蘇早得仙  
術未止海東赫居世乃聖母之所誕又按麗朝李資諒使  
宋時詣佑神觀見仙女像館伴王黼曰此貴國之神也本  
以帝室女不夫而孕爲人所疑泛海抵辰韓生子爲海東  
始主又宋儒王襄製聖母祭文有娠賢肇邦之語據此則

馬卯化生之說不經甚矣聖母考以時世則蓋漢室之女也漢都秦中與巴中相近疑聖母卽以女仙過巴人之得道者亦如弄玉之過簫史有娠而東來故華人謂之不夫而孕然稷母契母時為帝嚳之妃而生稷生契則今以聖母之生赫居世獨稱不夫者可乎吾所謂聖母過巴人者以其聖祖之姓意之也夫朴姓者天下之所無而獨巴中有之故知聖祖之姓必本於巴中之朴而聖母之所過者當是巴人也不然豈以巴中所獨有之姓冒為朴氏者哉吾故曰東國之朴亦太皞之後也我東之朴甚盛考地誌列邑之朴有百其氏今合為八氏



而皆自以去八公子之後蓋諸朴之中惟八朴最盛故他  
族之微不自立者并附于八家而八朴之外無他朴者是  
也然八公子分封之說文獻無徵不知八公子出於何王  
分封出於何代一云新羅王諱勗之子而朴氏十王無諱  
勗者此未為考信之文也一云昔脫解王分遺朴氏宗戚  
為州主郡主者此去八君分封此亦恐未見其必然脫解  
時高陽為大伽倻國沙伐亦國名安得封君於他國完山  
升平時為百濟之邑竹城時為高句麗皆次山郡則又安  
得遠封於他國之郡且密城高靈升平竹城等郡名摩自  
景德王則八郡分封當在新羅統合景德置郡之後而朴

氏王於羅末者有三王新德王二子皆為王景明景哀二  
王是也新德王只有二子景哀王即位未幾為甄萱所害  
皆未有封子之勢是以東都聖祖神道碑文以為景明王  
八公子者似然或曰東史一云景明王無子今考新羅本  
記記王薨母弟景哀王立而無無子之文後之修史者蓋  
以其立弟而遂以為無子然當時有子而立弟者亦多助  
實王有子儒禮而立弟沾解憲康王有子峴而立弟定康  
無子之說恐未信先輩秉筆為聖祖金石之文者豈無所  
據而為之說耶

昔氏之祖脫解者本婆那國人婆那國在日本東北按東

史云婆那國王娶女國王女有娠七年生大卵以爲不祥  
置積投海來泊于辰韓阿瑠浦口卵化爲兒是爲脫解積  
來時有鵲隨之異故省爲爲昔因姓昔氏者亦似詭誕真  
若卵之浮來則誰知其本之出於婆那乎吾以爲脫解者  
本以婆那國昔氏浮海而來者也昔氏蓋海外遐荒之種  
非中國神明之裔故其福澤不能靈長其姓絕而無傳焉  
我東之金有二族而皆以爲神化開智之金出於雞林之  
金積首露之金出於龜智之金槩其說荒誕不可信竊惟  
夫我東之初一何多卵生也按金度信傳曰新羅與首露  
同姓羅人自謂少昊金天氏之後故姓金新羅中侍常忠

製度信碑銘亦曰軒轅之裔少昊之胤其所真繫於少昊者若是明白夫其碑文出於羅中共去羅初亦不甚遠耳目之所嘗逮也故老之所相傳也夫其受姓之蹟真若後來野乘之神異則當時秉筆者何捨其金櫨金櫨而特取其金天之稱哉吾故曰櫨櫨之說羅無是語而後世好事者為之也少昊之裔者考以理勢容或無疑蓋少昊氏其運則金德而其實東方之人是以曲阜為少昊之墟窮業為少昊之野少昊子孫見於經傳者在夏為信國在周為邾國俱在齊魯之境東海之濱而與我東隔溟相望則其浮海漂出理或然矣又按山經曰東海之外大壑少昊之

國據此則東海大壑為我東者明矣金族繁昌盈於一國  
則其為少昊之國者無疑矣

首露之金本六伽椰一南伽椰即今金海古金官國者是  
也一阿那伽椰今咸安一古寧伽椰今咸昌一大伽椰今  
高靈一碧珎伽椰今星州一小伽椰今固城大伽椰國皆  
金氏也首露王得阿踰陀國王許氏之女為后生十男八  
人為金氏二人冒母姓為許氏此有許氏之始也仁川李  
氏者又本首露氏之後金許謙者入唐帝賜姓李氏闕智  
之金氏族尤盛不可盡記新羅哀莊王嫌母同姓賜母考  
金神述申氏此申氏之始也高麗太祖嘉古昌守金幸之

歸降以為能炳發達權而賜幸姓權氏此權氏之始也又  
 金氏之別種入女真為金之祖按古史曰平州僧今俗  
 姓金入居女真阿之古村是為金之先或曰平州僧金幸  
 之子克守入女真生子曰古乙金祖阿骨打即其後也又  
 按金史金之始祖函普從高麗來其兄阿古迺留高麗與  
 弟保活黑俱居完顏部樸幹之涯生二男長為魯次為幹  
 魯至阿骨打滅遼為金帝九世至守緒為蒙古所滅守緒  
 之後至明末又強奴刺赤之子汗入帝中國今清氏也姓  
 愛新覺那氏其方言愛新覺那者金也按此三記其名皆  
 不同然要之其姓則為金氏者無疑大抵金氏在東國為

伽倻新羅二國之王在中國去金清二代之帝曆數靈長  
支庶羨昌今為天下大姓苟非神明之後惡能如是耶吾  
於是益信其少昊之裔也

六部之姓新羅儒理時賜楊山部李氏高墟部崔氏大樹  
部孫氏于珍部鄭氏加利部裴氏明活部薛氏蓋儒理之  
時未通中國而秦韓一區草昧僻陋然其所賜姓與身馬  
獫狁雜種有別而必以中國之大姓姓之者何也蓋秦韓  
初無居人而秦末流民之入聚居歷世稍久生齒漸繁始  
成部落所謂六部者是也燕趙齊最去隣近故當時之人  
皆齊趙之族也而猶能各守其本姓至儒理時即因其本

姓而賜之者理似然矣今以秦漢之間中國姓誌考之李  
去膺門之族趙姓也崔為博陵之族孫為阿野之族鄭為  
高密之族薛為臨淄之族齊姓也惟裴無所考然大槩亦  
華人也東晉時始為顯族或是吳姓歟  
羅初之姓只有三宗大部至統合麗濟之後土姓滋殖華  
人之來居者亦多其姓今以羅史考之張健榮保舉之張  
氏閻長之閻氏元貞公元傑之元氏宋舍之宋氏向德之  
向氏隨晤之隨氏邢積之邢氏楊志之楊氏龔宣之龔氏  
閔卻之閔氏索湘之索氏丘日之丘氏吳起之吳氏梁悅  
之梁氏蘭興之蘭氏辛萱之辛氏殷影之殷氏皆華人也



其姓或顯或微或有絕而不傳者  
高句麗北接胡西通燕趙其姓率多中國東胡雜種也其  
槩見於麗史者有曰薛支遼東來者也有曰延丕北燕來  
者也戴升者漢遼東大家也祭須之祭氏彌儒之彌氏穆  
慶婁之穆氏杜魯之杜氏于素之于氏左可慮之左氏晏  
留之晏氏未詳其所來然疑多齊族也東漢獻帝建元中  
中國大亂漢人來投者甚衆司馬晉氏五胡之亂中國流  
民亦多來寓其氏姓不可考然燕人夏瑤為夏氏之祖晉  
平州刺史崔暹為西北崔氏之祖魏東夷護軍宋晃為宋  
氏之祖餘名劉屋白之劉氏祖弗之祖氏蕭友之蕭氏疑

此皆燕族也葛盧之葛氏孟光之孟氏芮悉弗之芮氏朱理  
之朱氏大率華姓也孫瀨亦華姓自非辰韓大部之孫隋  
煬帝東征時諸將留而不還者副元帥姜武為晉州姜氏  
之祖右屯衛將軍辛世雄戰亡其族不歸為辛氏之祖其  
餘敗軍之不還者亡慮幾萬而唐初還送萬人其餘則皆  
留然其姓并無考惟饒苗以將材補○唐蘇定方之伐百  
濟也唐宗室李茂留為延安氏永柔原州之邊氏瀋陽來  
者也咸興之朱甲山之崔李張三水之尹金姜遼人之投  
化者也吉州之崔李元朝來者也富寧之童崔李通川之  
太梁山之陳龍宮之曲慶山之徐劉丹城之宋固城之登

朱併皆中國之投化者也忠州之梅自山東省之濟南來  
者也密陽之唐浙江唐誠之後也高州之李河間府李敏  
道之後也慶州之楔回鶻楔孫元未避兵來者也邵氏田  
氏亦皆自唐來者也濟州之梁安姜對雲南之種也明初  
討平雲南徙其王家屬仍傳其姓元朝以濟州屬元徙中  
國之民以唐之周秦張宋鄭姜肖石趙李等姓是也今多  
遺種云南陽之唐洪者燕人洪彬隨忠肅王東來昌原之  
孔魯國孔治陪元公主而來即孔子之後也盧氏之先有  
盧偕自唐來者也雖又其學士亦元時東來者而今無其姓  
焉

我朝昭敬壬壬辰倭寇時天兵來援將士之留而不歸者  
有李提督施都督林經理馬提督諸人不能盡記而其子  
孫堇存不絕明之後有如許生孫老爺諸人避地東來者  
而其後則未聞焉

鶴陽氏曰吾嘗觀國內貴姓皆移籍鄉者也守籍鄉者  
微而不振諺所謂秧坂者是也蓋稻秧移而後浚不移  
者滅裂此喻甚有理庶而推之天下之姓無不皆然東  
國之姓布在華胡者皆大貴中國之姓流落東方者亦  
大顯而貴此其明驗也今以謏寡僅錄聞見而來歷多  
未明白派流率多闕漏姑俟後世博考者之釐正焉

東姓考畧下

姓貫

國姓曰完山李氏聖子神孫緦緦緦緦寔是億萬世無疆  
之姓氏全州者平章事李俊陽之後也氏砥平者樞密李  
績之後也氏富平者桂陽伯李瑋之後也氏仁川者有二  
一郢城伯李許謙之派一平章事李資諒之派也樞密李  
永安城氏之祖也本朝留守李士渭龍仁氏之祖也李釋  
之亦本朝名人也評理李挺陽城氏之祖有李承召者本  
朝封陽城君侍郎李允綏高驪州氏又有鄉貢進士李世  
貞本朝晦齋先生李彦迪其後也

廣州吏李集判典校子之直之剛之柔顯于本朝為廣州  
氏知三司李郅子允蓋俱顯為豐德之德水氏大理李公  
老為丹陽氏平章事李公升為清州氏叅政李軌同氏也  
麗朝太師李棹為全義氏慶州族尚書李周佐李瑱之子  
侍中齊賢僕射李成瑞鷄林君李達袁判門下李仁琪左  
正言李存吾皆是也本朝中樞李藝者蔚山氏也本朝梁  
山君李澄石梁山氏也本朝贊成李承孫判書李膺永川  
氏也安東有豐山李氏星州吏李長庚封隴西郡公為隴西  
氏碧珮將軍李恣言為碧珮氏麗朝功臣李能一為星山  
氏侍御史李承休本朝中樞李自堅皆星州氏也本朝叅

議李世仁開寧氏也陝川氏者左僕射景芬又有郡吏李  
淳牧爲判秘書省爲陝川氏李世芳之後本朝儒賢李楨  
泗川氏也討賊功臣李芳實咸安氏也判密直李尊庇之  
孫岳封鐵城君是爲鐵城氏也翰林學士李濬之子祭酒  
行儉蓋山氏也本朝觀察使李希孟古阜氏也察直提學  
李弘吉本朝提學李先齊爲先州氏本朝叅判李兢爲咸  
平氏侍中李凌幹爲南原氏叅政李靈幹爲潭陽氏政丞  
李林幹爲長水氏光陽府院君李茂方爲光陽氏本朝贊  
成李舒元爲興陽氏本朝判書李隨爲鳳山氏本朝大司  
成李評爲安岳氏門下贊成李壽山遂安君李連松爲遂

安氏氏載寧者大族也始顯于本朝真寶縣吏李碩之後  
本朝退溪先生李滉是為真寶氏平章事義烈公李子晟  
者牛峯也太子詹事李襲洪之後本朝有右議政李貴齡  
延城府院君李石亨者延安氏也散騎常侍李天驥者平  
昌氏也政堂文學李靉者安邊氏也本朝開國功臣青海  
君李之蘭者北青氏也本朝都摠制李龜鐵者順川氏也  
傑射李周憲者祥原氏也本朝名人李自華者殷山氏也  
牧隱侍中李穡韓山氏也羽溪氏者禮賓同正李球  
慶州金海者金氏之本慶州之族新羅金欽蓮金大問金  
陽金仁問金后稷最著者也麗朝文章判禮部金富侁文



欒公金富儀樂浪開國侯金富軾右僕射金漢忠平章事  
金因渭樂浪伯金景庸太尉金仁揆平章事金良鏡鷄林  
府院君金琿左常侍金震陽大司成金子粹皆名族也今  
其子孫或存或絕金海之族有咸安咸昌高靈星州固城  
五伽椰而今不可考新羅提管金武力之後未詳太角  
干金庾信世有名人麗朝金寧府院君金普恭愍朝功臣  
金庾本朝恭簡公金銚漢城尹金絀熙知中樞金克儉皆  
名人也今分爲各派  
安山氏者上柱國安山侯金殷傳之後也安城氏者太僕  
金有成之後也清風氏者本朝功臣判書金吉通之後也

梁山氏者叅政金猛之後也永同氏者永山君金吉元之  
後也金賸之子倫封彥陽伯金彥陽氏金澗之弟淡本朝  
判書文節公金榮川氏麗朝功臣金弘術司空金龍弼贊  
成金暉金義城氏麗朝功臣太師金宣平太師金澈知門  
下省金富文金安東氏金澈之弟孝印翰林學士其後名  
人本朝叅判金益精之後有福昌君金壽寧俱安東氏而  
顯者也祭酒金時彥安東之豐山氏也氏清道者以平章  
事金之登金祖氏慶山者以政丞金庭美金祖氏尚州者  
以政堂文學金得培吏部侍郎金守雖金祖氏善山者以  
麗朝功臣侍中金善弓金祖善弓長子文奉金吏族次子

奉術侍中<sup>高</sup>金士族本朝府使金時本朝封善山君金孺知  
中樞金允壽直藝文館金從理皆善山氏也麗朝功臣侍  
中金萱述善山之海平氏也金澤之子咸寧君饒咸昌氏  
也恭政金侁司諫金摯俱錦山氏也本朝金天錫觀察使  
高珎山氏之祖廵問使金希禔高頃氏之祖門下贊成  
金址者扶餘氏之祖也氏光州者以麗朝功臣金吉為祖  
後有文正公台鉉文簡公光戴累世大顯文肅公金周鼎  
亦光州氏也平章事金審言為靈光氏本朝觀察使金璘  
為長興氏評理金湊洛川君金隨為樂安氏翰林學士金  
黃元上柱國金若溫為光陽氏順天氏者甄萱引駕金總

之後也黃州氏者上柱國金正純之後瑞興氏者本朝寒  
暄堂先王金宏弼之後安岳氏者本朝大司成金稠之後  
門下贊成金富允免山人戶部尚書金五卿原州人司藝  
金濤本朝延安君金輅延安人也新羅溟州郡王金周元  
之後有平章事金上琦者江陵氏之祖也江西之金本朝  
知中樞金泮之後本朝熙川君金宇吉熙川氏本朝節臣  
金原桂為永興氏  
朴氏之本皆出於八公子一曰密城郡君之後密陽府吏朴  
義臣官工部尚書義臣之後永寅監察御史檢校朴宜中  
評理朴仁幹本朝忠義君朴歲秘書監朴敦之戶曹恭議

朴彥忠左奉贊密山君朴仲孫俱為密陽氏之派然氏族  
最多不可盡錄二曰高陽君之後大將軍朴之順副倉正  
朴選為高陽氏高陽即今高靈三曰沙伐君之後本朝大  
提學貞肅公朴安臣安臣子以昌叅判為沙伐氏沙伐即  
今尚州四曰完山君之後移籍羅州之潘南縣有曰朴尚  
衷恭愍朝禮曹郎考正祀典尚衷之子嘗本朝左議政錦  
川府院君為潘南氏本朝領中樞朴崇質為羅州氏知郡  
事朴晉奉事朴有誠即全州氏也五曰竹城君之後叅政  
文烈公朴寅亮寅亮之子景仁景伯景山俱大顯平章事  
朴屏延昌君朴孝修政丞文匡公朴全之樞密使忠質公

朴挺韃本朝廷城府院君文獻公朴元亨為竹城氏六曰  
連成君之後有判三司朴忠佐封咸陽府院君本朝都摠  
朴子安孝子朴安行為咸陽氏咸陽即古連成也七曰升  
平君之後有甄萱女婿朴英規歸麗朝為左丞朴蘭鳳之  
子天祥封平陽府院君天祥之後有本朝文肅公錫命平  
陽君仲善領議政平城府院君朴元宗為順天氏順天即  
古升平也八曰月城君之後微而不振本朝有朴希樞希  
楨希樟兄弟以孝行補八君之外有比安氏者本朝吏曹  
參議朴瑞生之後也蔚山氏者麗朝功臣朴允雄之後也  
雲峰氏者本朝贊成朴信之子從愚雲城府院君春川氏

者判事朴元庇門下贊成文懿公朴恒陰城氏者本朝大  
司憲朴叔養平山氏者三重火匡朴守卿

崔有大部之崔樂浪王後之崔中國投化之崔今無可彙  
介種別然摠之蓋亦火姓也氏慶州者新羅文昌候崔致  
遠高麗火相崔彥摠文英公清河候崔承老文貞公平章  
事崔亮匡彬公崔汝諧文貞公檢校崔瀼俱為慶州氏瀼  
之後別為永陽氏平章事崔滋盛為水原氏陽川伯崔遠  
為陽川氏遠之先完山氏也完山伯崔純爵之後有禮部  
尚書崔均秘書監崔陟卿崔甫淳文定公崔誠之文簡公  
完山氏者大族也江華氏者本朝判書崔龍蘇之後朔寧

氏者平章事崔瑜價之後本朝領議政崔恒也忠州氏者  
平章事崔弘嗣司空崔遇清之後也羅州氏者本朝名士  
崔溥之後也太尉柱國崔思全莊景公為康津氏<sup>之</sup>耽津氏  
麗朝太師崔知夢為雲巖氏本朝府尹崔善復大司成崔  
士老為和順氏海州州吏崔紹之子冲上柱國冲子惟善  
文和公是為海州氏三重大匡崔必達僉議贊成崔守瓚  
及由府吏起家為翰林學士崔濡為江陵氏本朝名將崔  
雲海之子右議政潤德為通川氏麗朝功臣崔俊菴之後  
有上柱國曠武愍公瑩者鐵原氏也氏永興者以判門下  
崔閑奇為祖氏祥原者以麗朝功臣太傅崔凝為祖



鄭氏本出於大部氏慶州者侍中鄭暉本朝鷄林君鄭熙  
啓鄭孝常氏金浦者翰林學士鄭克永大將軍鄭凱之後  
以清州爲氏孫璿贊成璿孫誦司議誦子樞文簡公東萊  
府吏鄭文道之後有鄭沆文安公鄭叙文章鄭良生蓬原  
君是爲東萊氏侍中鄭襲明之後圃隱先生夢周是爲延  
日氏又有鄭思道者封日城君本朝知中樞鄭自英爲盈  
德氏刑部尚書鄭云燾爲奉化氏其子道傳爲本朝開國  
功臣又有鄭松壽恭愍王功臣本朝恭判鄭錫堅爲開寧  
氏淸川君鄭乙輔後有文定公鄭以吾本朝大提學鄭陟  
爲晉陽氏侍中弘文公鄭倍傑爲草溪氏子文尚書後有

八川君細曲校習仁平章事鄭叔詹為河東氏子晏恭政  
縣吏鄭國龍之子芝衍僉議贊成後有麟趾本朝領議政  
亦氏河東又有戶部侍郎鄭之祥之氏本朝一蠹先生鄭  
汝昌河東氏也興德氏者判禮部鄭克溫羅州氏者中贊  
鄭可臣景烈公鄭地也光州氏者平章事鄭世雲海州氏  
者翰林學士鄭惟產有本朝鄭易贊成鄭眉壽海平府院  
君大率氏者左相乙卿  
趙氏以漢陽去氏者揔管趙暉本以東界龍津人至孫禮  
儀判書暇氏漢陽有本朝領中樞趙末生揚州之豐陽壤氏  
者政堂文學趙云佐為祖云佐之始祖有趙孟者麗祖時

人本朝漢平公趙益貞金浦氏者本朝名士趙文琬新昌  
氏者本朝開國功臣趙英規林川氏者嘉林伯趙天赫真  
寶氏者縣吏趙庸本朝判書咸安氏者參軍趙之興後有  
本朝進士趙旅又有本朝參判趙舜氏金堤者密直使趙  
簡也氏康津之耽津者本朝司諫趙注也淳昌者密直使  
趙廉玉川君趙元吉也氏玉果者考工郎趙通也門下府  
使復興君趙胖為白川氏開府儀同三司文景公趙永仁  
為橫城氏子冲侍中文正公平壤君趙仁規本以祥原人  
移封為平壤氏有平壤府院君趙瑋本朝平壤府院君浚  
平源君趙璞禮部郎中趙文振者義州人本朝靜庵先生



趙光祖漢陽氏也

韓氏出於箕子之後清州為氏子麗朝功臣韓蘭之後有  
中贊韓康清城君韓公義純城君韓仲禮清城君韓脩西  
原君韓方信漢城氏者政丞韓宗愈長湍氏者平章事韓  
彥恭戶部侍郎韓圭也大興氏者平章事韓文俊錦山氏  
者直提學韓皦平山氏者禮儀判書韓哲仲谷山氏者本  
朝平節公韓雍安邊氏者門下府事韓卿 太祖王妃之  
考嘉山氏者中贊韓希愈也

奇氏亦出於箕子以高陽之幸州為氏門下侍郎奇洪壽  
幸州氏之祖也奇子教為元順帝后父元史所稱奇皇后

是也

權氏本金氏也以安東為氏者麗朝功臣太師權幸始受  
姓氏後有判兵部與與子上護軍允平允平弟評理頤又  
有權平守樞密副使後有政丞溥以醴泉為氏者本所姓  
也麗時避元宗諱賜姓權本朝大提學權孟孫為其祖  
張氏者本華姓也麗朝功臣太師張吉為安東氏之祖仁  
同氏者上張軍張金用本朝廷福君張未孫丹陽氏者丹  
山君張順翼永同氏者永山君張沈結城氏者有名士張  
夏昌寧氏者邑吏張鎰官僉議章簡公知禮氏者本朝名  
士張志道興德氏者尚書張迎祐龍安氏者張英使元有

功孫原績名士也蔚珍氏者密直學士張天翼  
尹氏以坡州為氏者麗朝功臣尹莘達為始祖後有僕射  
金剛文肅公權文康公彥熙文定公麟瞻良簡公安淑顯  
族也富平氏者佐理功臣尹徵古慶州之杞溪氏者杞城  
伯尹莘傑也善山之海平氏者判工部尹君正之後也有  
密直事萬庇判密直可觀文平公珮顯族也侍中漆原伯  
尹桓為漆原氏有都僉議尹常靈光氏者侍郎尹拱之  
後茂長氏者國子司成尹諧密直提學尹澤澤之子判典  
農龜生茂長即古茂松也海南氏者尹孝貞之子衢本朝  
湖堂延安氏者麗祖功臣尹瑄醴泉氏者本朝提學尹祥

南原氏者本朝恭贊尹孝孫文孝公  
吳氏本華姓也以海州為氏者侍郎吳延寵破女真拓地  
念議贊成吳詔文溫公長鬻氏者按廉使吳邦祐也咸陽  
氏者本朝觀察使吳凝也羅州氏者平章事吳季真也高  
敞氏者翰林學士吳學麟孫世文世功世才俱名士也寶  
城氏者本朝開國功臣吳蒙乙同福氏者縣吏吳大陸之  
後有吳允候吳軾俱顯縣有大陸石燈祈福處平壤氏者  
麗朝名士吳先覺也寧邊氏者麗朝功臣吳世之後也寧  
遠氏者本朝開國功臣寧城府院君吳思忠也  
安氏以順興為氏者侍中安孚子文成公裕後有順興君

牧政堂文學元崇以廣州爲氏者本朝恩簡公安省又有  
本朝獻納安靚派竹山氏者密直使安戰門下贊成安漢  
平康津之耽津氏者平章事安祐討紅賊有功本朝文靖  
公安止祥原氏者右僕射安紹光  
徐氏者以大邱之達城爲氏者政堂文學徐甸衡本朝贊  
成徐居正以利川爲氏者新羅徐神逸子弼高麗貞敏公  
弼子熙章威公熙子訥元肅公衿川氏者掌令徐甄有南  
平氏者  
洪氏有土姓唐姓以南陽爲氏者太師洪殷悅之後左僕  
射忠平公洪灌慶興君洪子藩中贊匡定公洪文保南陽



候洪彦博土姓也政丞洪彬唐姓燕人也以安東之豐山  
為氏者鄉貢國學直學洪之慶子侃僉議舍人懷仁氏者  
本朝領議政洪允成義城氏者麗朝功臣洪儒義興之在  
溪氏本朝文匡公洪貴達開寧氏平章事洪均子祿道門  
下侍郎  
孫氏以慶州為氏者本朝黜川君孫昭也樞密副使孫朴  
富平之氏也判三司孫洪亮安東之一直氏也本朝丞旨  
孫比長密陽之氏也義昌府院君孫守卿昌原之氏也本  
朝贊成文貞公孫舜孝平海之氏也叅政孫冠安峽氏也  
比安之氏微而無顯者孫本姓中華荀氏麗時以顯宗諱

改爲孫氏

許氏以金海爲氏者政丞駕洛君許有全中郎將許麒也  
以陽川爲氏者麗朝功臣許直文中書門下許載文敬公  
許珙典理判書許錦河陽氏者本朝漢城尹許周左議政  
文敬公許稠中樞副使許侗三兄弟

姜氏本華姓也以晉陽爲氏者兵部尚書姜民瞻直翰林  
姜彭瑞文敬公姜引文晉山君姜著於川氏者侍中姜邯  
贊也泗川氏者忠肅王相姜俱也

柳氏亦華姓也以文化爲氏者麗祖功臣大丞柳車達子  
孝金左尹後有恭政文簡公權中贊文正公璩豐德氏者

柳天弓麗朝<sup>祖</sup>后父也 有侍中匡肅公柳洪洪之子泰政貞  
簡公仁著安東之豐山氏者司正柳栢禮賓卿葆典書從  
蕙晉州氏者名士柳藩本朝領議政文定公柳順汀全州  
氏者平章事戴肅公柳先植子韶平章事靈光氏者本朝  
代言柳斗明子柳規知中樞興陽氏者柳清臣之孫侍中  
柳濯  
申氏以平山為氏者麗祖功臣壯節公申崇謙本谷城人  
移籍平山右代言申君平巨濟之鵝州氏邑吏申英美之  
後允儒版圖判書高靈氏者知門下省申淑邑吏申成用  
之後申樞判工曹子叔舟高靈府院君

閔氏以驪州為氏者平章事文景公閔永謨子湜故驛常  
侍有驪城君閔愉政丞文仁公閔漬漬之子贊成事祥正  
瑞興氏者府吏閔環府尹  
成氏以昌寧為氏者門下侍中成松國昌寧府院君成汝  
完有三子昌寧府院君文景公石璘本朝大提學文肅公  
石瑢禮曹判書靖平公石珣扶安氏者博士成仲淹  
盧氏本華姓以光州為氏者大護軍盧恕之後本曹大司  
成盧自亨交河氏者郎將盧塢慶州氏者平章事盧永淳  
谷山氏者右僕射盧朝豐川氏者本曹觀察使盧叔全長  
淵氏者未詳顯人

宋氏華姓也以恩津爲氏者判恩津院宋大原司憲宋明  
誼後有尤庵先生宋時烈同春堂先生宋浚吉鎮川氏者  
將作監宋彥琦刑部尚書宋國瞻陝川之治爐氏平章事  
宋綺後有吉昌冶城君礪山氏者中贊宋松禮貞烈公子  
玠中贊玠瑞政丞有本朝礪山府院君宋居信楊州之見  
州氏判禮賓宋訂金海氏者金海君宋天逢  
曹氏以昌寧爲氏者刑部員外郎曹瑞大樂丞曹謙昌城  
君曹匡漢平章事曹自奇夏城府院君曹益清直提學曹  
繼芳金山氏者本曹忝判曹偉長興氏者侍中曹精通原  
津之耽津氏侍中曹精

黃氏以長水黃氏者恭政黃石富之後有本朝領議政翼  
成公黃喜二子致身判中樞府胡安公守身領議政烈成  
公尚州氏者本朝佐理功臣商山君黃孝源昌原氏者檜  
山君黃石奇子蒙贊成事檜城府院君後有黃銜本朝判  
書平海氏者侍中裕中評理黃瑞本朝開國功臣襄武公  
黃希碩大司成黃鉉也懷德氏者閣下祗候黃吉臣  
任氏者出於忠州人任彊首彊首者新羅人以豐川黃氏  
者御史任澍子子松功臣府院君子景儒祭酒長興氏者  
大師任勳中書令文忠公任元厚子奎門下侍郎麗時有  
誅要主功臣任萬者寧邊人也

沈氏者出於新羅人沈那者稷山人以青松爲氏者侍中  
沈德符安東之豐山氏本朝豐山君沈龜齡三陟氏內書  
舍人沈東老

丁氏以羅州爲氏者丁行之孫壽崗本朝恭判子玉亨左  
贊成錦川君有丁五甫者義州人有新羅大相丁光純者  
昌原氏也後有早雨丞皆本朝人

呂氏以星州爲氏者三重大匡呂良柔咸陽氏者本朝知  
議政府事呂禎

郭氏華姓也以玄風爲氏者上將軍郭子儀清州氏者中  
樞學士郭元恭政郭尚尚之子員外郎與東與考玄風氏

祭酒郭元振元振子忠貫尚書左丞忠貫子邪三重大臣  
封苞山君邪子居仁典工判書有海美氏  
羅氏以羅州高氏者上將軍羅富後有羅益禧評理大邱  
之壽城氏有生員羅世鍊  
吉氏以善山之海平高氏同正吉甫之孫治隱先生吉再  
睦氏以泗川高氏恭愍王相睦仁吉郎將孫儉  
南氏者本出於南閭以宜寧高氏者本朝開國功臣宜城  
君南閭左議政宜寧府院君南在英陽氏者以南就英  
高祖  
具氏者以綾州高氏沔城府院君具藝後有具壽永綾川



君仇姓皆改爲具具非氏綾者本仇氏也

蔡氏以平康爲氏者平章事蔡松年子楨平章事仁川氏  
者本朝少尹蔡泳陰城氏者樞密使蔡靖光州氏者平章  
事蔡順禧

嚴氏以寧越爲氏郡吏嚴守安密直使後有門下侍衛庇  
摠制有溫

元氏以原州爲氏別抄元冲甲中贊元傳後有密直使善  
之政堂文學松壽

禹氏以丹陽爲氏祭酒禹倬後有侍中禹玄寶

林氏以恩津爲氏者太常博士林成權之後林挺本朝郡

守鎮川氏者林曦惠宗后父醴泉氏者林庇平章事林椿  
西河先生郡吏林支漢有功安義氏者林整本朝巡察使  
沃溝氏者林槩平章事子有文平章事羅州氏者林庇之  
後叛圖判書秀大護軍宣大率林氏皆出於林庇  
魚氏以咸從去氏本朝直提學魚變甲子孝瞻文孝公有  
忠州氏者藥城君魚有沼  
俞氏以慶州之杞溪去氏者俞輯之孫俞起昌本朝中樞  
府僚昌原氏者本朝丞旨俞大健仁同氏者叅政俞元臣  
河氏以晉州去氏者河拱辰使往契丹死節鷄林元帥河  
乙祉軍部尚書河自宗晉州君元正公河楫安義氏文章

河千

文氏以南平爲氏者太學士文公裕子克謙忠肅公丹城  
之江城氏者江城君文益漸旌善氏者文幹本以全氏入  
唐帝嘉其能文賜姓文子冠叅政長淵氏者上柱國長淵  
伯文正安東之甘泉氏者本朝初政丞文龜

周氏者以尚州爲氏周瑜本朝進士

裴氏者本出於大正麗朝功臣大匡裴玄慶本慶州氏也  
氏大邱者密直副使裴廷芝也氏星州者壁上功臣裴實  
本朝開國功臣裴克廉也氏興海者本朝判書裴詮次也  
氏金海者

慎氏以居昌為氏判戶部慎仁道後有本朝觀察使慎幾  
本朝右議政慎承善

全氏者本出於百濟全聶其始祖也以旌善為氏者御史  
大夫全過和典法判書全五倫全州氏者本朝判書全思  
澈沃川氏者本朝判書全大富慶山氏者本朝文平公全  
伯英龍宮氏者典法總郎全忠倣後有全元發瑩山府院  
君元朝兵部尚書竹山氏者本朝判書全忠秀星州氏者  
恭讓朝獻納全順不貳節隱星山

辛氏者本華姓也以靈山為氏判密直使辛巖政堂文學  
辛喬寧越氏者太中大夫辛毗門下贊成琚

薛氏者本出於大部弘儒候薛聰慶州氏也以淳昌為氏  
樞密副使薛慎慎母趙氏四乳生八子俱顯慎子中贊文  
良公薛公儉

康氏以信川為氏者本朝弼善康慎判書康袞信川君康  
領氏者平章事康拯載寧氏者戶曹判書康晉安岳氏者  
孝子康寧其餘延安谷山文化松禾長連篋津等邑皆有  
氏焉大率海西蓋康之鄉也

卞氏以密陽為氏卞耀之孫高迪侍中後有卞仲良密城  
君卞季良密山君有清溪氏者清溪即草溪卞先卞輝為  
祖也

都氏本都彌之後以星州爲氏  
卜氏本麗朝功臣太師卜智謙之後  
琴氏以奉化爲氏平章事琴儀本朝有琴柔名人  
白氏以藍浦爲氏者新羅諫官白仲鶴高麗門下省白任  
至稷山氏者政堂文學白文寶水原氏者本朝持平白效  
參左贊成白仁傑  
高氏之本有三閔城之高者高朱蒙之後也有恭政高令  
臣本朝留守高居正西北之高皆句麗派也廣州之高者  
百濟博士高興之後即百濟王族也高山氏之高義和僕  
射龍潭氏之高餘慶三重大匡沃溝氏之高瑩中國子司

業凡百湖之高皆百濟派也耽羅之高者濟州古高乙那  
之後星主高厚高濤之派也本朝有高雲高敬命名人也  
新昌之孟氏檢校孟希道之子思誠本朝右議政  
宜寧之玉氏本朝掌令玉沽  
慶州之偈氏本朝判三司偈長壽  
新昌之表氏表光遠之後恭判訟沫  
義興之芮氏本朝知中樞府事芮承錫  
陝川之方氏本朝恭判方有寧  
楊根之咸氏麗朝功臣咸規工部尚書咸有一  
中和之楊氏本朝監司世經密城楊氏侍中楊起

延安之車氏政丞車滿溫子車宗老政丞  
原州之邊氏本瀋陽人也恭川之邊氏上將軍邊呂之後  
也  
王氏本高麗之姓開城氏者麗朝功臣王希順平章事王  
珪及諸王子之後清州氏者吏部尚書王可道  
萬頃之杜氏侍中杜景升  
昌原之孔氏本魯國人孔紹恭愍王時陪魯國公主出來  
為平章事封檜山君  
忠州之劉氏麗朝功臣劉兢達翰林劉義國子監劉仲祺  
又有居昌氏



南原之梁氏邑吏梁瑞麟死節本朝梁誠之封南原君又  
有忠州氏者平章事梁元俊  
坡州之廉氏禮部尚書廉信若典城伯廉悌臣  
潭陽之田氏評理田祿生泰仁氏有僕射田元均春川氏  
有按廉田元均  
江華之韋氏侍中韋壽餘  
丹陽之池氏池重海池夢旬俱孝子  
清州之慶氏將軍慶大升又有尚州氏大將軍慶習  
木川之于氏樞密使于淳儒  
懷仁之龔氏麗朝大相龔直

永川之皇甫氏麗朝功臣皇甫能長本朝領議政皇甫仁  
大邱壽城之賓氏翰林學士賓于光  
古阜之陳氏政堂文學陳思修興德氏者昌陽君陳思文  
光州之卓氏諫議大夫卓光茂  
長興之魏氏有魏文凱者前朝名士也  
寶城之宣氏按廉使宣允祉  
綾州之朱氏邑吏朱餘慶之子朱悅都僉議府事文節公  
長興之馬氏本朝長興君馬天牧  
平山之度氏麗朝功臣度黔齊  
鳳山之智氏上將軍智蔡文

谷山之延氏本朝谷山府院君延嗣宗  
 延安之恭氏郎中恭評  
 宜川之房氏內侍房瑞鑾  
 寧邊之玄氏兵部尚書玄德秀順天氏者版圖判書玄忠  
 守  
 南原之甄晉 潭陽之鞠 淳昌之扈 龍潭之賈 昌  
 平之昇 鎮安之價 長水之景 順天之陶 樂安之  
 甯 寶城居昌之章 興陽之鍾 同福之和 漢城之  
 父夫 楊根之傳 砥平天安之敬 竹山之桓翼 水  
 原之葉 富平之邢 南陽之祐 仁川之貢 龍仁之

龍 金浦之翁 衿川之莊 通津之席位附吳 靈光  
 三嘉之公 平昌之碣 茂長居昌之史 南平之河  
 長興之嵇乘 珍島之平 海南之門 全州之冊 古  
 阜之尿 珠山之明 井邑之濯井 咸悅之南宮姓複  
 高山之干水 泰仁之柴 羅州永同之固 羅州之化  
 汎 光山之藩 靈岩之種 安邊之桑印赫萬 德源  
 之燕 鍾城之奉 富寧德川之童 富寧之邕 龍岡  
 驪州之陰 龍岡之彭 三和之從承 坡州之夜 高  
 陽之則 永平之榮麻 抱川之栢 加平之簡胡 長  
 湍之馮標卿米 江華之力 豐德之包員 麻田之於

喬桐之合雷 忠州驪州之堅 忠州之梅 清風之  
 庄 槐山之強占律物宅直 延豐之長時 堤川之那  
 清州之俊揚東方姓複 永同之公孫姓複 青山之邵  
 東東之華 清州之畢西門姓複 天安之高花 沃川蔚  
 山之陸 木川之頓 鎮川之旆 奉化之蒙 軍威之  
 司空姓複 澤 比安之素 龍宮之曲 三嘉之森 宜寧之  
 余 昌原之甘 巨濟之潘 固城之登 開寧之尋  
 知禮之錢 晉州之荆蘇 容陽之斧苔 清道之珠綠  
 昌寧之六 廣州之素 牙山之蔣 慶州之益 永  
 川之克 義州之獨孤姓複 寧邊之骨 德川醴泉之邦

順川之弓 祥原之原 寧越之幸 平昌之別 麟  
 蹄之谷 橫城之秋 淮陽之壽信 鐵原之芳 狼川  
 兔山之程 伊川羅州之司馬姓複 金化之陽京 安峽  
 之耿 永同之拓 平海之永丘 高城之吾 通川永  
 順醴泉之太 載寧黃州之董 遂安衿川之桂 新溪  
 之秦 文化之令狐姓複 海州之郁 延安黃州之段  
 豐川之耒部 石川之伍 瓮津之賀瞿 松未之蹇  
 昌原密陽之諸 大興之弼 此姓皆微而不振未顯于  
 世者也  
 鶴陽氏曰我東文獻晚出檀箕之初即七論羅麗濟三

國所記者率多詭誕僻陋齊東之語迄于麗時國史畧備  
然亦僅僅斷爛朝紙耳野史家乘未有聞焉洎我昭代  
治隆右文漢網唐目粲然畢舉可謂集大成也是以吾  
東姓譜自三國以上者類非雜考華史無以溯其源本  
王麗氏以下稍有可據本朝來譜學大備派分支別昭  
如列掌然於源本未歷皆寡聞也余故不揆謏寡庶採  
華史東籍妄撰東姓考二編上編記扶餘三韓下編記  
麗朝所以考源本也或不見於麗而為國朝大姓者持  
標本朝以別之此書例也







